

BOSNA I HERCEGOVINA
Federacija Bosne i Hercegovine
» TUZLANSKI KANTON
V L A D A

Broj: 02/1-04 - 12722 / 21
Tuzla, 15.04.2021. godine

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, broj: 17/00, 1/05, 11/06, 13/11 i 15/17), a u vezi sa Zaključkom broj: 02/1-33-4331/21 od 09.03.2021. godine, Vlada Tuzlanskog kantona na sjednici održanoj 15.04.2021. godine, d o n o s i

ZAKLJUČAK

Usvaja se Naredba Kriznog štaba Ministarstva zdravstva Tuzlanskog kantona predložena na sjednici održanoj dana 15.04.2021. godine, kako slijedi:

1. Sve naredbe i preporuke Kriznog štaba Federalnog ministarstva zdravstva ostaju na snazi do daljnjeg.
2. Naredbe i preporuke donesene od strane Kriznog štaba Ministarstva zdravstva Tuzlanskog kantona donesene u ranijem periodu, koje se odnose na ugostiteljske objekte i javni prevoz, ostaju na snazi do daljnjeg.
3. Posjete domovima za stara i iznemogla lica na području Tuzlanskog kantona obustavljaju se do daljnjeg.
4. Obustava izvođenja praktične nastave za sve učenike i studente koju istu obavljaju u javnim i privatnim zdravstvenim ustanovama na području Tuzlanskog kantona osim za studente XII semestra Medicinskog fakulteta (klinički staž) se nastavlja do daljnjeg.
5. Dozvoljava se izvođenje hladnog operativnog programa u općoj anesteziji u svim javnim i privatnim zdravstvenim ustanovama bolničkog nivoa na području Tuzlanskog kantona do nivoa od 30% redovnog operativnog programa.
6. Pružnje specijalističko – konsultativnih i dijagnostičkih zdravstvenih usluga bolničkog i vanbolničkog nivoa obezbjediti u skladu sa potrebama građana, uz uvažavanje ljudskih i tehničkih mogućnosti ustanova u trenutnim epidemiološkim uvjetima.
7. Traži se od svih javnih i privatnih zdravstvenih ustanova da tokom radnog procesa striktno poštuju i nadziru preporučene epidemiološke mjere, uključujući i prisustvo pacijenata na otvorenom prostoru van objekata.
8. Od Kantonalne uprave za inspeksijske poslove Tuzlanskog kantona, nadležnih gradskih/općinskih inspekcija i Uprave policije Tuzlanskog kantona traži se nastavak aktivnosti u smislu kontrole provedbe donesenih naredbi.
9. Traži se od Ministarstva obrazovanja i nauke da nastavu na univerzitetima, visokoškolskim ustanovama, u srednjim školama i osnovnim školama (redovne i paralelne osnovne i srednje škole) organiziraju na način kako je bila realizirana u periodu prije uvođenja online nastave. Predškolske ustanove i ustanove za rad sa djecom sa posebnim potrebama nastavljaju sa radom.

10. Zabranjuje se obavljanje svih vannastavnih aktivnosti (dodatna nastava, kursevi, škole stranih jezika, ustanove za edukaciju odraslih, treninzi u zatvorenom prostoru i sl.). Preporučuje se upotreba online alata za edukaciju, te organizovanje trenažnih procesa na otvorenom, dok je realizacija ispita dozvoljena.
11. Zabranjuju se do daljnjeg sportsko rekreativne aktivnosti u zatvorenom prostoru izuzimajući treninge i takmičenja sportskih klubova koji učestvuju u takmičenjima na kantonalnom, federalnom i državnom nivou.
12. Zabranjuje se izvođenje muzike uživo u ugostiteljskim objektima na teritoriji Tuzlanskog kantona.
13. Zabranjuje se konzumacija nargile u ugostiteljskim objektima do daljnjeg.
14. Ugostiteljskim objektima se preporučuje dominantno korištenje kapaciteta na otvorenom (bašte) uz poštivanje važećih epidemioloških mjera.
15. Nalaže se inspeksijskim organima kontrola aktivnosti u oblasti usluga PCR testiranja u javnim i privatnim ustanovama, a u smislu prijave podataka o broju dnevno testiranih pacijenata prema Zavodu za javno zdravstvo Tuzlanskog kantona, kao i podataka o pozitivnim slučajeva nadležnim HE službama.
16. Ova Naredba se primjenjuje od 17.04.2021. godine, a važi do 23.04.2021. godine.
17. Zadužuje se Ministarstvo zdravstva da ovaj Zaključak dostavi na uvid i dalje postupanje svim dole navedenim organima i institucijama.

DOSTAVITI:

- 1 x Gradovi/Općine na području TK
- 1 x KUIP TK
- 1 x MUP TK
- 1 x Uprava policije TK
- 1 x JZU/PZU na području TK – sve
- 1 x Svim ministarstvima
- 1 x ZZO TK i ZZJZ TK
- 1 x Sredstvima informisanja
- 1 x a/a

